

**BASES REGULADORAS DOS PREMIOS DA “GALA DO DEPORTE DE MARÍN 2022”
a celebrarse no Salón de Plenos do Concello de Marín.**

Tratando de resaltar e valorar o labor deportivo das nosas persoas, organismos, institucións públicas e entidades privadas que dalgún xeito contribuíron de forma notoria a engrandecer e ampliar a práctica deportiva da nosa localidade, celébrase esta Gala do Deporte de Marín 2022.

A Gala do Deporte de Marín reúne edición tras edición ás persoas e institucións do deporte da nosa vila en torno a un día de festa. Por iso, convócanse estes premios entre os deportistas e persoas relacionadas co mundo do deporte de Marín cunha traxectoria deportiva relevante, tratando de resaltar o labor deportivo e o traballo realizado por todos os que dalgún xeito fan do deporte o centro das súas vidas.

DEZ son os premios aos que poden optar as persoas físicas, clubs deportivos e entidades do municipio que cumpran cos requisitos establecidos para cada un deles.

As candidaturas para optar aos premios poderán ser presentadas por calquera entidade deportiva local, clube ou asociación, así como a proposta do xurado.

Esta convocatoria é realizada pola Delegación de Deportes do Concello de Marín e valoraranse os méritos acontecidos durante o ano deportivo 2022.

BASES DA CONVOCATORIA

ARTIGO 1- **OBXECTO**

O obxectivo principal deste acto é recoñecer publicamente o esforzo, a dedicación, a entrega e en definitiva os valores que o deporte comporta, así como que sirvan de reflexo para incentivar aos mais pequenos e á poboación en xeral para a práctica do deporte.

O obxectivo da presente convocatoria é a concesión dos premios deportivos que se outorgarán na “Gala do Deporte de Marín”. Os premios son os seguintes:

PREMIOS MELLOR DEPORTISTA MASCULINO/FEMENINO

PREMIOS MELLOR DEPORTISTA DE BASE MASCULINO/FEMENINO

PREMIO Á INCLUSIVIDADE

PREMIO MELLOR DEPORTISTA VETERANO/A

PREMIO MELLOR ADESTRADOR/A OU TÉCNICO/A

PREMIO MELLOR CLUB OU ENTIDADE DEPORTIVA

PREMIO AO PATROCINIO E COLABORACIÓN CO DEPORTE

PREMIO AO MELLOR EVENTO DO ANO

ARTIGO 2.- CANDIDATOS/AS

2.1 Premio CONCELLO DE MARÍN AO MELLOR DEPORTISTA MASCULINO e FEMININO

Poderán presentarse á convocatoria desta categoría todos aqueles deportistas do noso municipio (naturais, empadroados, vinculados ou que vivan habitualmente en Marín) e que practiquen a súa disciplina deportiva en Marín ou noutras localidades.

Poderán concorrer á presente convocatoria aqueles/as deportistas que a título individual destacaran polo seus logros, éxitos, triunfos deportivos ou por méritos que o xurado considere que lle fan acredor do galardón.

Nesta categoría concorrerán deportistas maiores de 18 anos ou participantes en categoría sénior. Excepcionalmente, poderán concorrer a este premio os menores de 18 anos que obtiveran o premio descrito na seguinte categoría.

2.2 Premio MELLOR DEPORTISTA DE BASE MASCULINO e FEMININO

Poderán presentarse á convocatoria desta categoría todos aqueles deportistas do noso municipio (naturais, empadroados, vinculados ou que vivan habitualmente en Marín) e que practiquen a súa disciplina deportiva en Marín ou noutras localidades.

Poderán concorrer á presente convocatoria aqueles/as deportistas que a título individual destacaran polo seus logros, éxitos, triunfos deportivos ou por méritos que o xurado considere que lle fan acredor do galardón.

Nesta categoría concorrerán deportistas menores de 18 anos ou participantes en categoría inferior a sénior.

2.3 Premio á INCLUSIVIDADE

Poderán presentarse á convocatoria desta categoría todos aqueles deportistas ou entidades deportivas do noso municipio (naturais, empadroados, vinculados ou que vivan habitualmente en Marín) e que practiquen a súa disciplina deportiva en Marín ou noutras localidades.

Poderán concorrer á presente convocatoria aqueles/as deportistas ou entidades deportivas que polo seus logros, éxitos, triunfos deportivos ou por méritos que o xurado considere que lle fan acredor do galardón, e que fundamentalmente sexan exemplos de inclusividade no deporte.

2.4 Premio MELLOR DEPORTISTA VETERANO/A

Nesta categoría valorarase de forma conxunta as categorías masculinas e femininas. Serán candidatos todos os deportistas en activo que leven a cabo a súa actividade en clubs legalmente constituídos no municipio e que competiran durante o ano 2022. Tamén, aqueles deportistas marinenses que compitan en clubs doutras localidades.

Nesta categoría, o deportista deberá de militar na categoría de veteranos da súa respectiva modalidade deportiva.

2.5 Premio MELLOR ADESTRADOR/A OU TÉCNICO/A

Poderán presentarse á convocatoria desta categoría todos/as aqueles/as adestradores/as ou técnicos/as do noso municipio (naturais, empadroados, vinculados ou que vivan habitualmente en Marín) e que practiquen a súa disciplina deportiva en Marín ou noutras localidades.

2.6 Premio MELLOR CLUBE OU ENTIDADE DEPORTIVA

Nesta categoría valoraranse a aqueles CLUBES OU ENTIDADES DEPORTIVAS que cumpran as seguintes condicións:

- a) Que desenvolvan o seu labor deportivo no municipio e que estean legalmente constituídos e inscritos no Rexistro de Entidades do Concello de Marín
- b) Que realizaran labor de competición, promoción ou divulgación deportiva.
- c) Que destacaran no 2022 non só polos seus méritos deportivos, senón tamén polas súas capacidades e dotes organizativas de eventos.

2.7 Premio ao PATROCINIO E COLABORACIÓN CO DEPORTE

Nesta categoría valoraranse aquelas entidades privadas que estean legalmente constituídas e domiciliadas en Marín, que poidan ser destacables polo seu apoio e colaboración co deporte local, así como pola organización de eventos deportivos.

2.8 Premio ao MELLOR EVENTO DO ANO

Nesta categoría valorarase aquel evento organizado no noso municipio organizado ou non por entidades deportivas do mesmo, que realizara o deporte marinense ou o noso municipio mais alá do mesmo.

ARTIGO 3.- MENCIÓNS ESPECIAIS

O xurado pode outorgar mencións especiais para unha persoa ou entidade que aínda non sendo deportistas, estea ou estivese relacionado co mundo do deporte de Marín, nalgún clube ou que sempre promociione ou promocionase Marín por medio do deporte.

ARTIGO 4.- CANDIDATURAS

Calquera clube, cidadán, institución ou asociación, poderán asimesmo propoñer a unha ou varias persoas para que sexa recoñecida a súa labor, sexa pola súa traxectoria deportiva, directiva, ou polo seu apoio ao deporte en xeral desde calquera ámbito de actuación, sempre que cumpra as condicións establecidas nas Bases desta convocatoria e que reúnan os méritos ou requisitos suficientes para concorrer ao premio.

Asimesmo, o xurado poderá propoñer candidatos en cada unha das categorías descritas nas presentes Bases, así como crear novas categorías ou mencións.

ARTIGO 5.- XURADO

O xurado encargárase da selección dos gañadores das distintas categorías en base as propostas recibidas e estará composto por:

Presidente: A Sra. Alcaldesa do Concello de Marín ou Concelleiro en quen delegue, con voz e voto de calidade.

Secretario: Un/Unha funcionario/a do Concello de Marín. (Sen voz nin voto)

Membros:

- Xornalistas deportivos de cada un dos medios de comunicación que cubran o deporte do municipio (máx. 6), con voz e voto.
- Xornalistas en xurados de convocatorias pasadas (máx. 3)

A decisión do xurado será inapelable.

O xurado poderá declarar deserto un Premio se as persoas ou entidades propostas non alcanzasen, ao seu xuízo, o nivel deportivo suficiente.

ARTIGO 6.- CALENDARIO

Fase de recepción de candidaturas: Dende o 1 de decembro ata o 16 de decembro do 2022, presentadas polo Rexistro Municipal do Concello ou a través do correo electrónico deporte.juventud@concellodemarin.es

Fase de reunión do xurado: O 21 de decembro de 2022 no Concello de Marín.

Fase de publicación dos premiados: O 22 de decembro no Taboleiro de Anuncios do Concello de Marín e na web do Concello de Marín.

Celebración da Gala do Deporte: O 20 de xaneiro no Salón de Plenos do Concello de Marín.

En Marín a 1 de decembro de 2022

Antonio Traba Miñones

Concelleiro Delegado Deporte e Xuventude

Concello de Marín.-